

Djeca trebaju ostvariti prava uvijek i svugdje

Iz godine u godinu raste i broj žalbi, a djeca se susreću sa brojnim izazovima i nesigurnostima, poručuju Ombudsmani BiH

Ombudsmani BiH Nives Jukić, Nevenko Vranješ i Jasminka Džumhur čestitaju djeci Dječiju nedjelju, koja se tradicionalno obilježava svake godine u prvoj punoj sedmici oktobra.

"Obilježavanje je prilika da se ukaže na obavezu poštivanja prava i sloboda utvrđenih Konvencijom UN-a o pravima djeteta, kao što su pravo na život, slobodu izražavanja, slobodu misli, savjesti i religije, najviši standard zdravlja, obrazovanje, participaciju, nediskriminaciju, život i razvoj i pravo na najbolji interes", saopćili su.

Napominju da se djeca danas susreću sa brojnim izazovima i nesigurnostima te da iz godine u godinu raste i broj žalbi,



što je takođe jedan od pokazatelja da je neophodno ulagati veće napore u zaštitu prava i interesa djece. Ombudsmani BiH poručuju da djeca trebaju ostvarivati svoja prava uvijek i svugdje, pa ih treba poštivati, promovisati i unapređivati cijelu godinu.

Federalni ministar rada i socijalne politike Adnan Delić je u petak najavio da će ovogodišnja Dječija nedjelja biti obilježena karavanom dječije radosti pod sloganom "Igramo se i sanjamo zajedno".